

**PENJELASAN TERHADAP KOMEN PEMBACA HARIAN METRO : PERALATAN  
ASAS ASRAMA POLISAS KUANTAN TIDAK MENCUKUPI, IBU BAPA TERPAKSA  
SEDIAKAN UNTUK KESELESAAN ANAK**

Merujuk kepada komen pembaca (Kreebera) yang disiarkan di akhbar Harian Metro, 18 Jun 2014 di ruangan Im Lapor, Politeknik Sultan Haji Ahmad Shah (POLISAS) Kuantan mengucapkan terima kasih di atas maklum balas yang diberikan .

Untuk makluman pengadu, Kolej Kediaman di POLISAS merupakan sebuah asrama yang telah beroperasi sejak tahun 1983. Beberapa fasa naik taraf bangunan dan kelengkapan perabot telah dilaksanakan secara berterusan. Pembelian perabot baru seperti meja dan almari telah dibuat pada tahun 2004. Naik taraf bangunan juga telah dilaksanakan pada tahun 2002, 2007 dan 2010 dengan penambahan blok- blok baharu dan cat baharu. Tilam juga telah diganti baharu sepenuhnya pada tahun 2012.

Berikutan jumlah kemasukan pelajar baharu bagi Sesi Jun 2014 telah melebihi kapasiti bilik yang selesa didiami maka POLISAS terpaksa menempatkan pelajar di bilik-bilik yang tidak mempunyai kelengkapan meja dan almari. Itu pun setelah dimaklumkan dan mendapat persetujuan ibu bapa. Pihak Pengurusan POLISAS memohon maaf di atas segala kesulitan yang berlaku dan berusaha untuk menyediakan kelengkapan perabot tambahan sebelum akhir tahun ini.

Pengarah  
Politeknik Sultan Haji Ahmad Shah  
Kuantan